

## PREGUNTAS FRECUENTES PARA A CONVOCATORIA DE AXUDAS DE APOIO Á ETAPA DE FORMACIÓN POSDOUTORAL 2023, ED481B

Pregunta	Asunto / Artigo
<p><b>ASPECTOS TÉCNICOS DA SEDE ELECTRÓNICA DA XUNTA DE GALICIA</b></p> <p>Para ese tipo de dúbidas cómpre chamar ao 012 e, ademais, aconséllase:</p> <ol style="list-style-type: none"> <li>1. A Chave 365 como dispositivo para a identificación e sinatura de documentos (e pola súa facilidade e rapidez para obtela -na páxina web correspondente indican unha ampla rede de puntos para soliciala).</li> <li>2. Cando chamen ao 012 para cuestións técnicas recomendar aos administrados que, se é posible, o fagan na compañía de persoal informático do centro dende onde chamen.</li> </ol> <p><b>Como podo ter a condición de persoa candidata para presentarme a estas axudas?</b></p> <p>As persoas que desexen ser presentadas a estas axudas, deberán poñerse previamente en contacto coas posibles entidades beneficiarias (Universidades do SUG, organismos públicos de investigación de Galicia, fundacións de investigación sanitaria de Galicia ou centros do CSIC radicados en Galicia) e ofrecer a estas o seu perfil.</p> <p><b>Como teñen que facer os administrados para preparar a solicitude?</b></p> <p>En primeiro lugar, temos que distinguir entre entidades solicitantes e persoas candidatas. As entidades solicitantes son as que teñen que presentar a solicitude de axuda e as que, en todo caso, serán as beneficiarias das axudas.</p> <p>Por outra banda, as persoas candidatas deberán ser seleccionadas polas entidades solicitantes de forma previa ao período de presentación de solicitudes. Estas persoas non son as beneficiarias das axudas.</p> <p>Por outra banda, para a preparación da documentación, tanto as entidades solicitantes como as persoas candidatas, deberán visitar a Sede Electrónica da Xunta de Galicia (<a href="https://sede.xunta.gal/portada">https://sede.xunta.gal/portada</a>) e buscar "Axudas de apoio á etapa posdoutoral" no buscador da devandita sede (código ED481B para as Universidades do SUG; código IN606B para as demais entidades).</p> <p><b><u>Importante: este procedemento estará activo na Sede Electrónica a partir do día seguinte á publicación no DOG desta convocatoria.</u></b></p> <p>Na lapela de <b>Presentación</b> da Sede Electrónica teñen todos a Sección de "<b>Anexos Asociados</b>", que as persoas investigadoras solicitantes poderán cubrir e gardar como <b>BORRADOR</b> que, posteriormente, poderá ser compartido coa entidade que vaia a presentar e asinar a solicitude a través desta Sede electrónica.</p> <p>O <b>Anexo II</b> (para solicitudes no ámbito do SUG) ou o <b>Anexo II bis</b> (para solicitudes de entidades alleas ao SUG) é o formulario de solicitude principal que deberá ser asinado electronicamente pola persoa representante legal da entidade solicitante.</p> <p>O resto de anexos e documentación presentada poderá ser asinada manual ou electronicamente (ou, no caso de ter varias sinaturas, manual e electronicamente nun mesmo documento).</p>	<p>Cuestións xerais</p>

## PREGUNTAS FRECUENTES PARA A CONVOCATORIA DE AXUDAS DE APOIO Á ETAPA DE FORMACIÓN POSDOUTORAL 2023, ED481B

Pregunta	Asunto / Artigo
<p><b>Vou ser presentada a estas axudas a través dunha universidade do SUG. A onde teño que dirixirme para obter información?</b></p> <p>No seu caso, o órgano tramitador da solicitude na que figura é a Secretaría Xeral de Universidades coa que poderá contactar a través dos teléfonos 881995152 / 881957649 ou do correo <a href="mailto:promocioncientifica.educacion@xunta.gal">promocioncientifica.educacion@xunta.gal</a>.</p> <p><b>Vou ser presentada a estas axudas a través dunha entidade allea ao SUG. A onde teño que dirixirme para obter información?</b></p> <p>No seu caso, o órgano tramitador da solicitude na que figura é a Axencia Galega de Innovación, coa que poderá contactar a través dos teléfonos 881999213 / 981543991 ou do correo electrónico <a href="mailto:axudas-rrhh-xestion.gain@xunta.gal">axudas-rrhh-xestion.gain@xunta.gal</a>.</p>	<p>Órganos tramitadores</p>
<p><b>¿Cando se publicará a convocatoria posdoutoral para o ano 2023 no DOG?</b></p> <p>No primeiro semestre de 2023. Cando se coñeza unha data concreta de publicación no DOG desta convocatoria, esta será indicada nas respectivas páxinas web da Secretaría Xeral de Universidades e da Axencia Galega de Innovación (nesta última na sección de Axudas 2023).</p>	<p>Data de publicación da convocatoria</p>
<p><b>Podo presentarme a esta convocatoria se eu, como persoa candidata, non teño ningún dos méritos especificados no artigo 12.2?</b></p> <p>Estes requisitos refírense ao grupo de investigación no que se vai a integrar a persoa candidata e, como tal requisito, é obrigatorio. Cómpre dicir que vostede, en calidade de persoa candidata, non ten que cumprir algún destes requisitos, pero si terá que facelo o grupo de investigación que figure na solicitude.</p>	<p>Artigo 7.1.k Artigo 12.2</p>
<p><b>Haberá unha reserva de prazas para persoas con discapacidade?</b></p> <p>Si, con 3 prazas no ámbito do SUG e 1 no da Axencia Galega de Innovación (sempre e cando se acredite correctamente unha discapacidade igual ou superior ao 33%).</p> <p><b>Se teño un certificado de discapacidade da Xunta de Galicia, teño que achegalo coa solicitude?</b></p> <p>Non, só tería que achegalo no caso de que este fose expedido fóra da Xunta de Galicia. Iso si, terá que facelo constar no formulario Anexo III.</p>	<p>Artigo 3.3 Artigo 7.1.i)</p>
<p><b>No ámbito da Axencia Galega de Innovación [alleo ao Sistema Universitario de Galicia (SUG)], hai reserva de prazas para persoas de nacionalidade non comunitaria?</b></p> <p>Non hai requisitos de nacionalidade para a presentación de persoas candidatas a estas axudas (a diferenza das Predoutorais) e, polo tanto, tampouco hai un límite de prazas para persoas de nacionalidade non comunitaria. Agora ben, para acadar a condición de bolseira Fulbright é requisito ter a nacionalidade española.</p>	<p>Persoas non comunitarias</p>

**PREGUNTAS FRECUENTES PARA A CONVOCATORIA DE AXUDAS DE APOIO Á ETAPA DE FORMACIÓN POSDOUTORAL 2023, ED481B**

Pregunta	Asunto / Artigo
<p><b>Eu estiven de baixa maternal no ano 2012, cumpriría os requisitos da axuda acreditando un título de licenciatura anterior ao 1 de xaneiro de 2012?</b></p> <p>Non, o artigo 2 non prevé supostos de excepcións para cumprir o requisito de obtención do título de licenciatura que, en todo caso, deberá ser igual ou posterior ao 1 de xaneiro de 2012. Vostede pode presentarse, pero teña en conta que o non cumprimento deste requisito será causa de exclusión nas correspondentes listas de solicitudes admitidas e excluídas.</p> <p>En cambio, o título de doutoramento terá que ser igual ou posterior ao 1 de xaneiro de 2018 (pero prevense excepcións para títulos de doutoramento &gt;= ao 1 de xaneiro de 2016 para persoas con maternidade, discapacidade &gt;= 33% ou que sufriran unha enfermidade grave). Recomendolle que lea atentamente a letra b) do artigo 2.2 das bases da convocatoria.</p> <p><b>Eu rematei o mestrado (máster) no ano 2012 e parte deses créditos foron necesarios para obter o meu título de grao. Como sei se cumpro os requisitos?</b></p> <p>A entidade solicitante deberá entregar un certificado no que se fe faga constar en que universidade e con que data a persoa candidata obtivo o grao de doutor/a, así como a titulación que lle deu acceso ao devandito grao e a data de finalización destes estudos. Polo tanto, deberá informar con toda a documentación da que dispoña á entidade solicitante para certificar estas datas de finalización (Desta declaración fálase no artigo 7.1.d).</p> <p><b>Eu estou actualmente a desfrutar dun contrato posdoutoral no estranxeiro de 3 anos, pero só levo desfrutados 6 meses deste. Podo presentarme a estas axudas?</b></p> <p>Vostede pode presentarse igualmente, pero moi posiblemente non vai cumprir este requisitos. Teña en conta que o requisito indicado no artigo 2.2.c) establece que a persoa candidata non pode estar desfrutando de axudas e/ou contratos posdoutorais no estranxeiro que prevexan unha duración igual ou superior a 2 anos. Aínda que vostede non desfrutou da totalidade do contrato, como a duración prevista neste xa é superior a 2 anos, isto podería ser unha causa de exclusión nestas axudas.</p>	<p>Artigo 2: beneficiarios</p>
<p><b>É obrigatoria a realización de estadías no estranxeiro nesta convocatoria ou se pode presentar un plan de estadías en centros de Galicia ou do Estado?</b></p> <p>Si, nesta convocatoria é obrigatorio presentar un plan de estadías dun mínimo de 20 meses e un máximo de 24 meses no estranxeiro. Deberán terse en conta as características dos períodos de estadías indicadas no artigo 5.1.b) das bases da convocatoria.</p> <p>Por outra banda, nesta convocatoria non está prevista a realización de estadías en centros nacionais de fora de Galicia.</p> <p><b>Podo achegar coa solicitude un plan de estadías so asinado por min, en calidade de investigadora proposta para estas axudas?</b></p> <p>En primeiro lugar, en virtude ao artigo 6 das bases da convocatoria, serán as entidades solicitantes (non vostede) as que presentarán a solicitude na Sede electrónica da Xunta de Galicia. Isto implica que, en todo caso, deberán ser coñecedores de toda a documentación que se achega con esta. Ademais, para que o Plan de estadías teña validez deberá estar asinado pola persoa investigadora proposta e pola persoa directora do grupo de investigación da entidade solicitante.</p> <p>En segundo lugar, efectivamente, vostede podería presentar un plan de estadías soamente asinado por vostede pero teña en conta que a correcta presentación deste documento será requirida na correspondente lista de solicitudes admitidas e excluídas.</p>	<p>Artigo 5: características dos períodos de mobilidade e de permanencia no Sistema galego de I+D+i</p>

**PREGUNTAS FRECUENTES PARA A CONVOCATORIA DE AXUDAS DE APOIO Á ETAPA DE FORMACIÓN POSDOUTORAL 2023, ED481B**

Pregunta	Asunto / Artigo
<p><b>É necesario que coa solicitude se acheguen as cartas de invitación para a aceptación da estadía nos centros estranxeiros?</b></p> <p>Si, deberá achegalas coa solicitude. Así mesmo non esqueza que esta cartas deberán ser asinadas por persoas con capacidade para iso (xeralmente no ámbito directivo ou de recursos humanos). Se non as achega coa solicitude, estas serán requiridas na correspondente lista provisional de solicitudes admitidas e excluídas.</p>	
<p><b>No caso dunha estadía para esta convocatoria, teño a obriga de escoller varios centros de destino ou podería realizar os 24 meses máximos de estadía nun único centro?</b></p> <p>Poderá desenvolver un período mínimo de 20 meses e máximo de 24 nun único centro se así o desexa.</p>	
<p><b>É obrigatoria a achega do plan de continxencia para esta convocatoria?</b></p> <p>Non, nesta convocatoria xa non está previsto o plan de continxencia de estadías.</p>	
<p><b>Se escollo como zona de estadía a 2, podó cambiar de zona xeográfica con posterioridade?</b></p> <p>Non se debería: os orzamentos da resolución fanse en función das zonas de estadía seleccionadas polas axudas concedidas. Segundo as bases da convocatoria só se poderá autorizar un cambio de zona por circunstancias excepcionais correctamente xustificadas.</p> <p>Así mesmo, un dos aspectos que se avalía nas solicitudes é o Plan de estadías (e a importancia científica dos centros propostos), en relación ao currículo e o plan de traballo presentado.</p> <p>En todo caso poderíase presentar unha petición razoada (avalada polas sinaturas da persoa directora do grupo de investigación e a persoa investigadora) solicitando un cambio de zona. Agora ben, podería realizarse un cambio a unha zona de menor contía (por exemplo da zona 2 á zona 1) pero en ningún caso poderíase realizar un cambio a unha zona de maior contía. Neste senso, é recomendable ler con atención o artigo 5.</p>	<p>Artigo 5: características dos períodos de mobilidade e de permanencia no Sistema galego de I+D+i</p>
<p><b>E dentro da mesma zona, podería cambiar de país ou de centro receptor?</b></p> <p>Si, motivando o cambio mediante unha petición razoada asinada pola persoa directora da tese o pola persoa investigadora.</p>	
<p><b>Ao non coñecer aínda as datas de posible resolución destas axudas, como indico as datas de desenvolvemento do plan de estadías?</b></p> <p>As estadías no marco desta convocatoria deberán desenvolverse durante os anos 2024 e 2025 e o seu cómputo será por meses completos, que necesariamente terán que comezar o primeiro día do mes e finalizar o último día do mes correspondente. Deste xeito, vostede deberá indicar no seu plan de estadías o mes de comezo e da finalización da súa estadía ou estadías. Ademais, debe lembrar que a duración mínima das estadías será de 20 meses (se fai unha única estadía) e a máxima de 24 meses (que, neste caso, poderán subdividirse en dous períodos de 12 meses).</p>	

**PREGUNTAS FRECUENTES PARA A CONVOCATORIA DE AXUDAS DE APOIO Á ETAPA DE FORMACIÓN POSDOUTORAL 2023, ED481B**

Pregunta	Asunto / Artigo
<p><b>Para ser bolseiro Fulbright, debo realizar todas as miñas estadias nos EUA ou poderei alternar un período de 12 meses nos EUA con outro diferente (tamén de 12 meses) en Portugal?</b></p> <p>Para ser bolseiro Fulbright, ademais doutros requisitos establecidos no artigo 2.2.d) das bases da convocatoria, como mínimo, deberá desenvolver unha estadia dun <b>mínimo de 20 meses e un máximo de 24 meses obrigatoria e integramente nos EUA</b> (por cuestión relacionada coa problemática dos visados é mellor que consulte previamente na comisión Fulbright España, Informacion@fulbright.es , tlf. 31 702 7000, sobre a súa proposta de estadias nos EUA).</p> <p>Para as estadias das persoas candidatas que opten á condición de bolseiras Fulbright, teña en conta as características indicadas no artigo 5.1.b.5 das bases da convocatoria.</p> <p><b>Quero optar á condición de bolseiro Fulbright, pero quero realizar a miña estadia nos EUA en dous centros distintos. Podo facelo?</b></p> <p>Pode facelo, pero teña en conta que se vostede desexa realizar a estadia nos EUA en 2 centros distintos, poderá realizar 2 estadias dun mínimo de 12 meses en cada un dos centros.</p> <p><b>Son unha persoa de nacionalidade francesa e quero presentarme á convocatoria posdoutoral coa condición de bolseiro Fulbright?</b></p> <p>Poderá presentarse á convocatoria pero non baixo a condición de Fulbright: segundo o artigo 2.2.d) das bases da convocatoria, para optar á axuda Fulbright, deberá ter nacionalidade española. Por outra banda, non esqueza que poderá presentar un plan de estadias que transcorra nos EUA pero sen a condición de Fulbright.</p>	<p>Bolsas Fulbright</p>
<p><b>Eu tiven un permiso por maternidade no ano 2012. Este feito pode repercutir na puntuación final que obteña nesta convocatoria?</b></p> <p>Efectivamente, poderá repercutir positivamente na súa puntuación no caso de que este período se producira entre os cinco anos anteriores á data de lectura da súa tese de doutoramento e a data de peche de presentación de solicitudes para esta convocatoria.</p> <p>O disfrute de permisos de maternidade, paternidade, garda con fins de adopción ou acollemento, risco durante o embarazo e/ou lactación e incapacidade temporal asociada ao embarazo ou por razóns de violencia de xénero ou calquera tipo de acoso no período sinalado empregárase para calcular o denominado factor de corrección (disposto no artigo 11.3 das bases da convocatoria), que incrementará a puntuación obtida na avaliación da correspondente solicitude.</p>	<p>Factor de corrección (Artigo 11.3)</p>
<p><b>Na avaliación desta convocatoria, cal é a puntuación mínima a partir da cal podo obter unha axuda nesta convocatoria?</b></p> <p>Para garantir a calidade das propostas presentadas será preciso obter unha puntuación igual ou superior a 60 puntos no proceso de avaliación para poder obter a axuda. Agora ben, ao tratarse dun proceso de concorrencia competitiva, a consecución da praza dependerá da puntuación obtida polo resto de persoas candidatas.</p> <p><b>Se obteño na miña avaliación unha puntuación inferior a 60 puntos pero, polas miñas circunstancias, teño un factor de corrección, por mor dun permiso de paternidade, que pode aumentar esta puntuación, estou en disposición de obter a axuda?</b></p> <p>Non. O factor de corrección poderá engadirse á puntuación da súa avaliación sempre e cando, previamente, obteña nesta unha puntuación igual ou superior a 60 puntos.</p>	<p>Artigo 11: avaliación</p> <p>Anexo I: criterios de avaliación</p>

<p><b>No caso de obter a axuda, poderíanse pedir anticipos para o seu pagamento?</b></p> <p>Ao longo do período de execución da axuda concederanse adiantos que poderán alcanzar o 80% da axuda concedida.</p>	<p>Artigo 19.2: anticipos</p>
<p><b>A selección das persoas destinatarias farase a partir da suma das valoracións feitas por un panel avaliador e pola comisión de selección. Para superar a puntuación mínima de 60 puntos que establece or artigo 11.2, poderían sumarse o máximo de 5 puntos que se indica no artigo 12 (puntuación referente ao grupo de investigación no que está integrado ou vaise a integrar a persoa investigadora)?</b></p> <p>Non, haberá que obter un mínimo de 60 puntos (segundo os criterios de avaliacións expostos no Anexo I da convocatoria) e, no caso de chegar a eles (ou superalos) a comisión de selección poderá asignar un máximo de 5 puntos con respecto aos items establecidos no artigo 12.2.</p> <p><b>No caso das puntuacións establecidas no artigo 12 das bases da convocatoria, como as poderemos presentar? Existe algún formulario normalizado?</b></p> <p>Segundo o apartado j) do artigo 7 das bases da convocatoria, esta puntuación deberá presentarse mediante un certificado asinado pola entidade solicitante, coa conformidade da persoa investigadora principal do grupo de investigación (ou da persoa directora do centro ou agrupación en que se faga constar esa circunstancia) e a convocatoria na que obtivo o financiamento. Colgarase nas páxinas web da Secretaría Xeral de Universidades e da Axencia Galega de Innovación, na sección correspondente a estas axudas, un formulario normalizado (de uso voluntario) para indicar esta puntuación.</p>	<p>Artigo 12: Comisión de Selección</p>
<p><b>Cando comezarán os contratos derivados destas axudas?</b></p> <p>A partir do día 1 de novembro de 2023. Esta data quedará fixada na correspondente resolución de adxudicación.</p>	<p>Artigo 15.3: data de comezo dos contratos</p>
<p><b>No caso de obter a axuda, podería renunciar antes da finalización dos 3 anos de contrato?</b></p> <p>Si. O mecanismo das renuncias figura no artigo 17 das bases da convocatoria: a entidade beneficiaria deberá informar á Axencia Galega de Innovación, enviando un escrito motivado asinado pola persoa contratada, <u>nun prazo máximo de 15 días naturais desde que esta se produza</u>.</p> <p>Por outra banda, teña en conta que o segundo parágrafo do artigo 19.1 indica que soamente serán financiábeis os contratos das persoas investigadoras que permanezan un mínimo de tres meses no programa, polo que non recibirán subvención aquelas axudas con persoas contratadas menos de tres meses.</p> <p><b>Quedei na lista de espera destas axudas. Podería acceder a estas?</b></p> <p>Si, se algunha das persoas contratadas inicialmente renuncia antes do 31 de decembro de 2023. Se se dera este caso poderase adxudicar unha nova axuda de acordo coa prelación sinalada na lista de espera do órgano instrutor no que se producira a renuncia (isto é, a lista de espera das solicitudes procedentes do Sistema Universitario de Galicia e independente da lista de entidades alleas a este).</p> <p>Se se produce unha renuncia dunha persoa que acadara a condición de bolseira Fulbright, terán preferencia sobre as que se incorporen da lista de agarda para obter esta condición, por orde de puntuación, as persoas seleccionadas que cumpren as condicións para ser bolseiras Fulbright pero que non a acadaron por superar o número máximo establecido no artigo 3.</p>	<p>Artigo 17: renuncia ás axudas, novas incorporacións</p>